



Broj: 10/E-11-3858/22  
Sarajevo, 29-07-2022 godine

Na osnovu člana 70. stav (1), (2), (3) i (6) i člana 98. stav (2) tačka a) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisija za nabavku roba, usluga i radova II imenovana rješenjem broj: 10-45-1840/22 od 22.02.2022.godine, u daljem tekstu: Komisija, u postupku javne nabavke za nabavku specijalizovanog vozila (autosmečar) za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, putem otvorenog postupka, (Zapisnik o pregledu i ocjeni ponuda broj: 10/E-11-3858/22 od 21.07.2022.godine), Opštinski načelnik d o n o s i:

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda ponuđača „**TEHNIX**“ d.o.o. Hrvatska, Ulica Braće Radića 35, 40 320 Donji Kraljevec, Hrvatska broj: 1530-22 od 20.07.2022.godine, za dodjelu Ugovora za nabavku specijalizovanog vozila (autosmečar) za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, putem otvorenog postupka, **u ukupnom iznosu od 417.000,00 KM bez PDV-a za kompletno vozilo, odnosno 490.390,00 KM sa PDV-om (sa registracijom za kompletno vozilo).**
- II.** Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona.
- III.** Ova Odluka objavit će se na web-stranici Općine Centar, [www.centar.ba](http://www.centar.ba), istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

### **O b r a z l o ž e n j e**

Postupak za javnu nabavku specijalizovanog vozila (autosmečar) za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, putem otvorenog postupka, pokrenut je Odlukom Opštinskog načelnika o pokretanju postupka broj: 10/E-11-3858/22 od 02.06.2022.godine, putem otvorenog postupka, broj Obavještenja na Portalu javnih nabavki: 848-1-1-113-3-57/22 od 10.06.2022.godine.

Procijenjena vrijednost javne nabavke iznosi 420.300,00 KM (bez PDV-a).

U određenom roku za predaju ponuda, 20.07.2022. godine do 13,00 sati, dostavljena je 1 (jedna) ponuda, i to od ponuđača: „TEHNIX“ d.o.o. Hrvatska.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitani su cijena ponude i rok isporuke kao podkriteriji „ekonomski najpovoljnije ponude“ kako slijedi:

r/b	Ponudač	Ukupna cijena ponude za kompletno vozilo u KM bez PDV-a	Popust	Ukupna cijena u KM sa PDV-om *	Rok isporuke (kalendarskih dana)
1.	„TEHNIX“ d.o.o. Hrvatska	417.000,00	-	490.390,00	180

\* Ukupna cijena u KM sa popustom, PDV-om i registracijom

Nakon izvršenog otvaranja ponuda Komisija je pristupila detaljnoj analizi dokumentacije priložene uz ponudu u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima. Komisija je uvidom utvrdila da dostavljena ponuda ispunjava formalno pravne, ekonomske i tehničke uslove odnosno zahtjeve Ugovornog organa. Konstatovano je da je ponuda prihvatljiva.

Komisija je izvršila bodovanje prihvatljive ponude po osnovu dva podkriterija „ekonomski najpovoljnije ponude“, primjenom odgovarajuće formule za izračun broja bodova sadržane u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijih ponuđača, kako slijedi:

KRITERIJ „ekonomski najpovoljnija ponuda“	Ponudač
	„TEHNIX“ d.o.o. Hrvatska
Cijena 70 %	$490.390,00/490.390,00 \times 70 = 70$
Rok isporuke 30%	$180/180 \times 30 = 30$
<b>UKUPNO BODOVA</b>	<b>100</b>

Nakon bodovanja po osnovu dva podkriterija ekonomski najpovoljnije ponude, izvršeno je rangiranje ponuda:

R/b	Ponudač	Broj bodova	Rang
1	„TEHNIX“ d.o.o. Hrvatska	100,00	1

Komisija je u daljem radu donijela jednoglasnu odluku da se Opštinskom načelniku dostavi

#### PREPORUKA O PRIHVATANJU PONUDE

Ponuđača „TEHNIX“ d.o.o. Hrvatska, Ulica Braće Radića 35, 40 320 Donji Kraljevec, Hrvatska broj: 1530-22 od 20.07.2022.godine, za dodjelu Ugovora za nabavku specijalizovanog vozila (autosmečar) za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, putem otvorenog postupka, u ukupnom iznosu od **417.000,00 KM bez PDV-a za kompletno vozilo, odnosno 490.390,00 KM sa PDV-om (sa registracijom za kompletno vozilo).**

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.



## Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 5.000,00 KM u skladu sa članom 108. stav (1) tačka e) Zakona.

Žalba se podnosi u dovoljnom broju primjeraka, a koji ne može biti manji od tri.



**OPŠTINSKI NAČELNIK**

Srdan Mandić

Prilog: Zapisnik o pregledu i ocjeni ponuda  
broj: 10/E-11-3858/22 od 21.07.2022.godine

## DOSTAVITI:

1. Ponuđaču:

TEHNIX" d.o.o. Hrvatska, Ulica Braće Radića 35, 40 320 Donji Kraljevec, Hrvatska

2. Službi za civilnu zaštitu

3. Kabinetu općinskog načelnika – Odsjeku za javne nabavke

4. Službi za finansije

5. Arhivi

